

Á aðalfundi skulu teknar ákvarðanir um starfsemi félagsins á árinu, lagðir fram endurskoðaðir reikningar þess og kosnir þeir menn í stjórn félagsins og tveir endurskoðendur til eins árs í senn. Liggi önnur mál fyrir aðalfundi en venjuleg aðalfundarstörf, skal þess getið í fundarboði.

9. gr.

Stjórn félagsins skiptir með sér verkum.

Störf stjórnar og endurskoðenda skulu ólaunuð. Formaður kveður stjórnina saman til fundar og boðar félagsfundi og aðalfundi. Stjórnarfundir eru því aðeins lögmætir, að allir stjórnarmenn séu mættir. Færa skal gerðabók stjórnarfunda og skal ritari stjórnarinnar lesa fundargerð í lok hvers fundar og undirrita hana, ásamt formanni, þegar hún hefur verið samþykkt.

10. gr.

Stjórn félagsins hefur umsjón með vatnsveitunni, annast reikningshald hennar og innheimtu á gjöldum til félagsins. Hún sér um viðgerðir og viðhald á vatnsveitunni.

Viðhald heimæða og umbúnað í húsum annast félagsmenn hver hjá sér.

11. gr.

Samþykkt þessari má ekki breyta, nema á aðalfundi, enda hafi breytinganna verið getið í fundarboði og séu að minnsta kosti $\frac{2}{3}$ félagsmanna samþykkir þeim.

Samþykkt þessi, sem samin er og samþykkt af Vatnsveitufélagi Kleppjárnsreykja-hverfis í Reykholtshreppi, staðfestist hér með samkvæmt vatnalögum nr. 15 20. júní 1923 til þess að öðlast gildi þegar í stað og birtist til eftirbreytni öllum þeim, sem hlut eiga að máli.

Félagsmálaráðuneytið, 11. janúar 1963.

Emil Jónsson.

Hallgrímur Dalberg.

FUNDARSKÖP

fyrir bæjarstjórn Hafnarfjarðarkaupstaðar.

1. gr.

Bæjarstjórn Hafnarfjarðar er skipuð 9 kjörnum bæjarfulltrúum. Þeir ræða og gera ályktanir um bæjarmálefni á bæjarstjórnarfundum.

„Fundarmenn“ tekur í fundarsköpum þessum til bæjarfulltrúa og bæjarstjóra.

2. gr.

Á fyrsta fundi bæjarstjórnar að afstöðum bæjarstjórnarkosningum, kys bæjarstjórn forseta og varaforseta úr hópi bæjarfulltrúa. Gildir kjör þeirra þar til næsta kjör forseta hefur farið fram, en það skal jafnan framkvæma á fyrsta fundi bæjarstjórnar í júnímánuði ár hvert.

Aldursforseti bæjarstjórnar gegnir forsetastörfum á fyrsta fundi nýkjörinnar bæjarstjórnar, unz kjör forseta hefur farið fram.

Sá er rétt kjörinn forseti eða varaforseti, sem fengið hefur atkvæði meira en

hellingings bæjarfulltrúa. Verði þeim atkvæðafjöldi náð, skal kjósa að nýju og skal þá kjósa um þá tvo, er flest fengu atkvæði. Ef þrír eða fleiri, sem um skyldi kjósa hafa fengið jafnmörg atkvæði, skal varpa hlutkesti um hvora tvo skuli kjósa.

Verður sá rétt kjörinn, sem fleiri atkvæði fær, þó að hann fái ekki helling atkvæða. Verði atkvæði jöfn, ræður hlutkesti.

3. gr.

Bæjarstjórn kys sér tvo skrifara og tvo varaskrifara úr sínum hóp á fundi, sem forsetakosning fer fram. Skrifara skal kjósa hlufallskosningu.

4. gr.

Forseti stjórnar fundum bæjarstjórnar. Hann sér um að allt fari reglulega og skipulega fram, og eru bæjarfulltrúar og bæjarstjóri skyldir að hlýða úrskurði hans um allt, er varðar fundarsköp. En skjóta má úrskurði hans undir atkvæði bæjarstjórnar, ef vafi leikur á um skilning fundarskapa.

5. gr.

Skrifarar skulu telja saman atkvæði, þegar atkvæðagreiðslur fara fram og þegar kjósa skal nefndir eða menn til annarra starfa. Bæjarstjórn ræður og sérstakan fundarskrifara utan bæjarstjórnar, sem halda skal gerðabók undir eftirliti skrifara bæjarstjórnar. Í fundarlok skal lesa upp gerðabók, og skal forseti undirrita hana og aðrir viðstaddir bæjarfulltrúar.

Fundarmenn eiga heimtingu á því, að bókaðar verði athugasemdir þeirra í gerðabók, ef þeim þykir eitthvað rangt bókað eða ónákvæmt, svo og stuttlega um ágreiningsatkvæði sín.

6. gr.

Nefndir til þess að starfa að einstökum málum, hvort sem þær eru fastanefndir eða lausanefndir, skal bæjarstjórn kjósa hluthundnum kosningum, eftir aðferð þeirri, sem kennd er við de Hondt. Sérhver bæjarfulltrúi er skyldur að taka sæti í hverri nefnd, sem hann er löglega kosinn í. Sá sem fyrstur er kosinn á lista kallar nefndina saman fyrsta sinni og lætur kjósa formann. Þó skal bæjarstjóri ætíð sjálfkjörinn formaður, sé hann kosinn í nefnd. En hann lætur því næst kjósa skrifara.

Um leið og nefnd lýkur störfum getur hún, eða ef hún er klofin, hvor hluti hennar kosið sér framsögumann.

Kjör nefnda skal fara fram á sama fundi bæjarstjórnar, sem kjör forseta og starfstími nefnda vera hinn sami, nema annað sé ákveðið í sérstökum lögum.

Skrá yfir nefndir skal vera til sýnis í fundarsal bæjarstjórnar.

7. gr.

Reglulega fundi heldur bæjarstjórn annan hvern þriðjudag kl. 17, ef mál eru fyrir hendi. Stendur fundur svo lengi, sem þörf gerist, þó eigi lengur en til miðnættis. Bæjarstjórn getur þó ákveðið að fella niður fundi í júlí og ágústmánuði. Ef fundur ferst fyrir vegna helgi eða af öðrum orsökum, skal hann haldinn einhvern næstu virku daga svo fljótt sem við verður komið.

Aukafundi skal halda þá er bæjarstjóri, eða forseti telja nauðsyn bera til eða ef minnst þrír bæjarfulltrúar æskja þess skriflega, enda geri þeir grein fyrir ástæðum og fundarefni. Bæjarstjóri ákveður stað og stund til aukafundarhalds og boðar til hans með svo löngum fyrirvara sem unnt er.

8. gr.

Bæjarstjóri semur dagskrá bæjarstjórnarfunda. Hvert það bæjarmál, er nefnd eða bæjarfulltrúi krefst, að tekið sé á dagskrá, er skylt að taka á hana. Skulu öll erindi,

er taka skal á dagskrá á reglulegum fundi, vera komin í hendur bæjarstjóra eigi síðar en kl. 12 daginn fyrir fund.

Þann sama dag skal bæjarstjóri senda bæjarfulltrúum fundarboð, þar sem tiltekin séu mál þau, sem koma skulu til umræðu. Önnur mál en þau, sem á dagskrá standa, mega ekki koma til umræðu á fundum bæjarstjórnar, nema þau séu fram borin af bæjarstjóra og brýn nauðsyn beri til.

Dagskrá bæjarstjórnarfundar skal fest upp á tveim stöðum í bænum eigi síðar en kl. 12 daginn, sem fundur er haldinn. Mál skulu afgreidd í þeirri röð, sem dagskrá tilgreinir, nema meiri hluti bæjarfulltrúa eða forseti óski röð breytt.

9. gr.

Bæjarstjóri á samkvæmt embættisstöðu sinni sæti á fundum bæjarstjórnar og má taka þar til máls svo oft, sem hann vill, en gæta skal hann fundarskapa. Ekki á bæjarstjóri atkvæðisrétt, nema hann sé jafnframt bæjarfulltrúi.

10. gr.

Bæjarstjórn afgreiðir mál með einni umræðu, nema hún ákveði annað um einstök mál. Þó skal jafnan hafa tvær umræður um eftirtalin málefni:

- a. Hina árlegu fjárhagsáætlun bæjarfélagsins.
- b. Ársreikninga bæjarfélagsins og fyrirtækja þess.
- c. Reglugerðir, sem hljóta eiga staðfestingu ráðherra.
- d. Lántöku til lengri tíma en svo að þær greiðist upp á fjárhagsárinu.
- e. Beiðni um aðstoð skv. 63. gr. 1. 58/1961.

Þá er ákveðnar hafa verið 2 umræður, skal endanleg afgreiðsla málsins fara fram að lokinni síðari umræðu.

Við afgreiðslu fjárhagsáætlunarinnar skal hver liður tekna- og gjaldamegin afgreiddur sér í lagi og síðan fjárhagsáætlunin í heild. Á milli fyrri og síðari umræðu máls skal liða minnst 1 vika, þó skal heimilt að víkja frá þessu ákvæði í einstökum tilfellum varðandi d-lið þessarar greinar.

11. gr.

Sérhver fundarmaður getur borið fram tillögur um hvert það mál, sem til umræðu eru. Skulu slíkar tillögur vera skriflegar og afhentar forseta áður en umræðum um viðkomandi dagskrárlið lýkur.

Skal forseti gefa fundarmönnum nokkurt ráðrúm til samningu þeirra. Forseti sker úr um hversu haga skuli atkvæðagreiðslu um framkomnar tillögur.

12. gr.

Bæjarstjórnarfundir skal halda í heyranda hljóði. Ef áheyrendur eru ekki kyrrir og hljóðir eða trufla fund með nokkrum hætti, þá getur forseti vísað þeim út, og ef þörf gerist, látið ryðja áheyrendasalinn. Þó má ræða mál fyrir luktum dyrum, ef það varðar einkahagi manna. Svo getur fundarmaður annars krafizt þess, að mál verði rætt fyrir luktum dyrum, og sker bæjarstjórn úr því umræðulaust með meiri hluta atkvæða, hvort mál skuli rætt opinberlega eða fyrir luktum dyrum. Enginn má skýra frá umræðum í þeim málum, sem rædd eru fyrir luktum dyrum.

13. gr.

Ekki getur bæjarstjórn gert ályktun um mál, nema meira en helmingur bæjarfulltrúa sé á fundi. Afl atkvæða ræður úrslitum mála. Ef atkvæði eru jafnmörg með tillögu og móti, telst hún falla, nema kosning sé, þá ræður hlutkesti.

Um kosningu bæjarstjóra og í stöður þær, sem bæjarstjórn veitir, fer sem kosningu forseta bæjarstjórnar. Mál má afgreiða með því að samþykkja það eða

fella, með því að vísa því frá með einfaldri eða rökstuddri dagskrá, eða með því að fresta því.

14. gr.

Fundarmaður, sem vill taka til máls, skal snúa sér til forseta. Leyfir hann mönnum venjulega að taka til máls í þeirri röð, er þeir hafa kvatt sér hljóðs. Þó má hann breyta út af því um bæjarstjóra og framsögumann, svo og til þess, að ræður skiptist jafnt með og móti málefnum, eða til þess, að bæjarfulltrúi geti gert stutta leiðréttingu eða athugasemd, er varðar sjálfan hann. Ef tveir eða fleiri kveðja sér samtímis hljóðs, þá ræður forseti í hvaða röð þeir tala.

15. gr.

Flutningsmaður máls, eða framsögumaður mega tala þrisvar við hverja umræðu máls, en aðrir bæjarfulltrúar tvisvar. Þó má maður oftara taka til máls til þess að bera af sér ámæli, gera stutta fyrirspurn, athugasemd við atkvæðagreiðslur eða gæzlu fundarskapa.

Ræðumaður skal standa við sæti sitt meðan hann flytur ræðu sína.

16. gr.

Ræðumaður skal beina máli sínu til forseta eða fundarins.

Eigi má hann lesa upp prentað mál, nema forseti leyfi.

Skýlt er fundarmanni að lúta valdi forseta í hvívetna, er gæzlu góðrar reglu varðar. Ef fundarmaður ber aðra menn brígslyrðum, eða víkur verulega frá umtals-efninu, þá skal forseti víta hann fyrir það og nefna þau ummæli, er hann vitti. Nú er fundarmaður vittur tvisvar á sama fundi, og má þá forseti með samþykki fundarins svipta fundarmann málfrelsi á þeim sama fundi. Ef fundarmaður óhlýðnast úrskurði forseta, eða ef almenn óregla kemur upp á fundi, skal forseti fresta fundi um stundarsakir, eða slíta fundi alveg, ef honum þykir nauðsyn til bera.

17. gr.

Ef ræður dragast úr hófi fram, getur fundarmaður stungið upp á því að þeim sé hætt, og sker fundur þegar í stað úr því umræðulaust. Skal þá jafnan ákveða, hvort þeim skuli leyft að tala, er kvatt höfðu sér hljóðs áður en tillaga um að slíta umræðum kom fram.

18. gr.

Atkvæðagreiðsla fer þannig fram, að fulltrúarnir rétta upp hægri hönd sína. Nafnakall skal þó hafa, ef 3 fulltrúar hið fæsta krefjast þess og ef forseta virðist ekki glöggst mega ráða af atkvæðagreiðslu um málsúrslit. Við nafnakall greiða fulltrúarnir atkvæði eftir prentaðri skrá, þar sem nöfn þeirra eru í stafrófsröð, og skal hlutkesti ráða, á hverjum skuli byrja, þó greiði forseti atkvæði síðastur. Bæjarfulltrúa er skýlt að greiða atkvæði við nafnakall, nema hann leiði rök að undanfærslu sinni, er forseti tekur gild, enda er bæjarfulltrúa heimilt að skjóta úrskurði forseta til fundarins, sem sker þá umræðulaust úr því máli.

19. gr.

Bregða má af fundarsköpum þessum eftir uppástungu forseta, bæjarstjóra eða tveggja bæjarfulltrúa, ef bæjarstjóri samþykkir, enda samþykki að minnsta kosti $\frac{2}{3}$ þeirra bæjarfulltrúa, sem á fundi eru.

20. gr.

Til breytingar á fundarsköpum þessum þarf umræður á tveim bæjarstjórnarfundum, meiri hluta greiddra atkvæða og staðfestingu ráðherra.

Fundarsköp þessi, sem bæjarstjórn Hafnarfjarðar hefur samið og samþykkt, staðfestast hér með samkvæmt lögum nr. 33 14. júní 1929 til þess að öðlast gildi þegar í stað.

Jafnframt er úr gildi numin fundarsköp fyrir bæjarstjórn Hafnarfjarðar, sem staðfest voru af atvinnu- og samgöngumálaráðuneytinu 19. janúar 1931.

Félagsmálaráðuneytið, 14. janúar 1963.

F. h. r.

Hallgrímur Dalberg.

Gunnlaugur Þórðarson.

REGLUGERÐ

fyrir Samvinnubanka Íslands hf.

I. KAFLI

Stofnun bankans og skipulag.

1. gr.

Samvinnubanki Íslands hf. er stofnaður fyrir frumkvæði ábyrgðarmanna Samvinnusparisjóðsins samkvæmt heimild í lögum nr. 46/1962, um Samvinnubanka Íslands hf. Tekur félagið við öllum eignum, skuldum og ábyrgðum Samvinnusparisjóðsins og starfsemi hans og kemur í hvívetna í hans stað, enda hafa ábyrgðarmenn sparisjóðsins samþykkt eignayfirfærsluna á fundi sínum hinn 11. apríl 1962.

Bankinn er hlutafélag og er hlutafé hans ákveðið 10 201 000.00 króna.

2. gr.

Með yfirstjórn bankans fer fundur hluthafa, svo sem segir í samþykktum félagsins, svo og bankaráð, sem kosið er á aðalfundi bankans. Er það skipað þremur aðalmönnum og þremur varamönnum. Bankaráð ræður bankastjóra, einn eða fleiri.

II. KAFLI

Störf bankans.

3. gr.

Samvinnubankinn hefur sparisjóðsréttindi og nýtur í hvívetna sömu réttinda sem Landsbanka Íslands eru veitt í 18., 19., 21. og 23. gr. laga nr. 11/1961. Hann skal eiga að minnsta kosti sem svarar 15% af innlánsfé með sparisjóðskjörum í tryggum og auðseldum verðbréfum, svo sem rikisskuldabréfum, bankavaxtabréfum Landsbanka Íslands eða öðrum jafntryggum verðbréfum. Verðbréfaeign þessi skal hækka upp í allt að 20%, ef viðskiptamálaráðherra, að fengnum tillögum bankans, telur þess þörf. Í stað verðbréfa má koma óbundin inneign í Seðlabankanum.

A. Um ávöxtun fjár.

4. gr.

Samvinnubankinn tekur fé til ávöxtunar svo sem hér segir:

- a. í hlaupareikningi,
- b. í innlánsbók,
- c. gegn viðtökuskirteini.